

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO RAZVOJA,
PODUZETNIŠTVA I OBRTA

03-04-2014

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО РАЗВОЈА,
ПОДУЗЕТНИШТВА И ОБРТА

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF DEVELOPMENT,
ENTREPRENEURSHIP AND CRAFT

Broj: 06-02-390/14
Mostar, 02.04.2014.godine

BOSNA I HERCEGOVINA
FEDERACIJA BOSNE HERCEGOVINE
VLADA FEDERACIJE BOSNE I HERCEGOVINE
n/r Nermin Nikšić, premijer

PREDMET: Tematska sjednica Vlade Federacije BiH – izjašnjenje
(veza Vaš dopis 01-02-417/14 od 27.03.2014.godine)

Poštovani,

U skladu sa Vašim dopisom broj: 01-02-417/14 od 27.03.2014.godine dajemo kratak osvrt i izjašnjenje na predložene mjere.

Prema članku 20. Zakona o federalnim ministarstvima i drugim tijelima federalne uprave („Službene novine Federacije BiH“ broj 58/02, 19/03, 38/05, 2/06, 8/06 i 61/06), Federalno ministarstvo razvoja, poduzetništva i obrta vrši upravne, stručne i druge poslove iz nadležnosti Federacije BiH koji se odnose na: poticanje razvoja poduzetništva i obrta; davanje potpore za primjenu inovacija i uvođenje suvremenih tehnologija u oblasti poduzetništva i obrta; povećanje udjela poduzetništva i obrta u ukupnoj privredi; organiziranje institucija za poduzetništvo i stvaranje poduzetničke infrastrukture, osposobljavanje poduzetnika i obrtnika kroz redovno i dopunsko obrazovanje i druge poslove utvrđene zakonom.

Kao glavnu smjernicu u radu Federalno ministarstvo razvoja, poduzetništva i obrta vidi u realizaciji projekata koji će doprinijeti rastu i razvoju poduzetništva i obrta, odnosno povećanje broja subjekata male privrede, povećanje broja uposlenih, povećanje učinkovitosti i konkurentnosti male privrede i bolje prilagođavanje svjetskom tržištu. Mala privreda čini najvitalniji i značajan segment privrednog i jedinstvenog prostora BiH.

Sjedište: Ante Starčevića bb, 88000 Mostar (Hotel „ERO“) Tel.:+ 387 36 449-120, Fax: 449-122, 146
Web stranica :www.fmrpo.gov.ba, E-mail: fmrpo@fmrpo.gov.ba

U skladu sa gore navedenim i u cilju realizacije programa rada Vlade Federacije BiH, Federalno ministarstvo razvoja, poduzetništvo i obrta u proteklom periodu generalno je podržavalo projekte koji su imali za cilj poboljšanje ambijenta za rast i razvoj MSP-a, direktna potpora MSP-a u cilju njihovog rasta i opstanka, kao i očuvanje postojećih radnih mjesta i stvaranja uslova za novo zapošljavanje, kao i potpora osnivanju novih subjekata male privrede u Federaciji BiH

U završnoj fazi je izrada Programa poticaja za 2014.godinu. Ministarstvo u tekućoj godini, u cilju prevazilaženja teškog stanja u privredi Federacije BiH, ima u planu realizaciju projekata u okviru svojih mogućnosti koji će doprinjeti razvoju male privrede na području Federacije BiH.

Kao glavne projekte koji će se realizovati u narednom periodu ističemo:

➤ Kreditni poticaj razvoja poduzetništva i obrta

Projekt ima za cilj da pruži finansijsku podršku subjektima male privrede koji imaju dovoljne proizvodne kapacitete ili obezbjeđuju nove kapacitete, a neophodna su im dodatna ulaganja u stalna i obrtna sredstva koja će omogućiti pokretanje proizvodnje i pružanje usluga, veće iskorištenje kapaciteta, novo upošljavanje i povećanje izvoza. Realizacija kreditne linije preko Razvojne banke Federacije BiH će biti realizirana po izuzetnom povoljnim uslovima, (niskom kamatnom stopom, većim grejs periodom, ako i periodom otplate).

➤ Razvoj poduzetničke infrastrukture

Izgradnja poduzetničke institucionalne infrastrukture podrazumijeva izgradnju poduzetničkih zona, poduzetničkih centara, tehnoloških parkova, inkubatora, centara za transfer tehnologija i znanja, te centara izvrsnosti u cilju osiguranja novih znanja i tehnologija. Vrlo bitan razvojni segment poduzetničke infrastrukture su svakako poduzetničke zone i zbog toga njihovoj uspostavi i razvoju treba pristupiti sa posebnom pažnjom. Njihova osnovna karakteristika je zajedničko korištenje opremljenog prostora u cilju optimiziranja poslovanja. One su veoma značajan instrument privlačenja investitora. Osnovne prednosti poslovanja u poduzetničkim zonama su pružanje podrške poduzetnicima za lakšom izgradnjom poslovnog prostora na potpuno infrastrukturno opremljenom zemljištu, koncentracija usluga i potreba na jednom mjestu, interesno umrežavanje poduzetnika, poticanje izvozne konkurentnosti i privlačenje stranih ulaganja, pružanje usluga korisnicima po povlaštenim cijenama i efikasna administracija. Zbog naprijed navedenog Federalno ministarstvo razvoja, poduzetništva i obrta već duži niz godina pomaže opštinskim organima na uspostavu i razvoj poduzetničkih zona, kako bi se i na ovaj način ublažile posljedice ekonomske krize. Razvojem poslovnih zona, u Federaciji BiH, bi se u dobroj mjeri nadoknadio gubitak velikih privrednih sistema, koji su bili nosioci privrednog razvoja i tako značajno doprinijelo bržem i boljem razvoju bh ekonomije. Poduzetničke zone u svijetu, pa i u našem okruženju su odavno prepoznate kao generator razvoja male privrede.

➤ Podrška izvozno orijentiranim privrednim subjektima

Cilj projekta je jačanje konkurentnosti subjekata male privrede koji svojim poslovanjem ostvaruju tržišnu uspješnost, povećavaju zaposlenost i izvoze svoje proizvode. S obzirom na jasnu namjeru povećanje stope izvoza smatramo da je potrebno dati jaku podršku poduzetnicima koji u ovoj ekonomskoj situaciji opstaju na tržištu i doprinose povećanju izvoza.

➤ Subvencioniranje kamata na poduzetničke kredite

Svjesni smo činjenice da poduzetnici koji su podigli kredite u komercijalnim bankama sa velikim kamatnim stopama, u postojećoj ekonomskoj krizi, imaju otežan povrat tih sredstava. Namjera nam je da subvencioniranjem kamata na postojeće kredite olakšamo poslovanje subjekata male privrede. Korisnicima kredita kod komercijalnih banaka subvencionirati će se kamata do 50% za tekuću godinu.

➤ Poticaj novoosnovanim subjektima male privrede

Jedan od glavnih ciljeva razvoja male privrede jeste povećanje broja subjekata male privrede i u današnje vrijeme jasne ekonomske krize potreban je jak poticaj onima koji namjeravaju stvarati nova radna mjesta. Cilj podrške je osiguravanje opstanka subjekata male privrede u prvim godinama poslovanja. Projektom je predviđeno sufinansiranje troškova registracije subjekta male privrede kao i troškove doprinosa radnika za prvu godinu rada.

➤ Podrška uvođenju sustava kvalitete (ISO i HACCP standard i uvođenje CE znaka)

Razvoj izvozno orijentiranih subjekata male privrede su jedan od načina prevazilaženja poteškoća u privredi Federacije BiH, a to jasno ukazuje na potrebu ka uvođenju sustava kvalitete (ISO i HACCP standarda; osiguranje CE znaka) za proizvode iz Federacije BiH. Cilj ovog projekta jeste povećanje konkurentnosti subjekata male privrede, kako na domaćem tako na inostranom tržištu.

Svakako da ćemo u narednom periodu podržati i ciljne skupine poduzetnika kao što su invalidne osobe, mladi i žene u cilju njihovog lakšeg i većeg uključivanja u poduzetništvo.

U planu rada je i nastavak realizacije strategije razvoja MSP-a u Federaciji BiH koja ima za cilj kreirati okvir za stvaranje održivog, međunarodno konkurentnog i izvozno orijentiranog sektora MSP-a i na taj način osigurava ekonomski i društveni napredak za Federaciju BiH

S poštovanjem,

Dostaviti:
-naslovu
-a/a

